



Broj:02-05-2-598/15  
Goražde, 20.03.2015.godine

Na osnovu člana 70. Stav 1., 3. i 6. Zakona o javnim nabavkama ("Službeni glasnik BiH" br.39/14) u postupku javne nabavke za ustupanje radova na rekonstrukciji ulice Omera Vrane u Goraždu putem otvorenog postupka, Načelnik Općine donosi:

## O D L U K U

o izboru najpovoljnijih ponuđača za izvođenje radova na rekonstrukciji ulice Omera Vrane u Goraždu

### I

Ovom Odlukom se nakon provedene tenderske procedure za izvođenje radova na rekonstrukciji ulice Omera Vrane u Goraždu prihvata ponuda ponuđača „Okac“ d.o.o. Goražde sa ukupnom cijenom ponude 99.925,46 KM.

### II

Ova Odluka će se objaviti na web stranici Općine Goražde [www.gorazde.ba](http://www.gorazde.ba) sa istovremenim upućivanjem ponuđačima koji su učestvovali u postupku javne nabavke.

### III

Nakon pravosnažnosti ove Odluke po isteku roka od 15 dana od datuma Obavještenja ponuđača, Općina Goražde će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja. Izabrani ponuđač će prije popisivanja ugovora dostaviti ugovornom organu original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama. Ukoliko ne postupi u skladu sa ovom obavezom ugovorni organ će ponuditi zaključenje ugovora drugoplasiranom ponuđaču.

## O b r a z l o Ź e n j e

Načelnik općine Goražde je dana 13.02.2015. godine donio Rješenje o pokretanju postupka javne nabavke radova na rekonstrukciji ulice Omera Vrane u Goraždu broj 02-05-2-598/15 od 13.02.2015. godine. Na osnovu navedenog rješenja objavljeno je Obavještenje o javnoj nabavci na portalu javnih nabavki dana 18.02.2015. godine, dok je sažetak obavještenja o javnoj nabavci objavljen u „Službenom glasniku BiH“ broj: 15/15 od 23.02.2015.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 11.03.2015. godine.

Komisija za provođenje procedure javne nabavke imenovana gore pomenutim rješenjem Načelnika Općine Goražde dostavila je izvještaj o o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za ustupanje radova na rekonstrukciji ulice

- Omera Vrane u Goraždu dostavljene ponude od strane sljedećih ponuđača: "Okac" d.o.o Goražde i „Goraždeputvi“ d.d. Goražde .
- da ponuda ponuđača „Okac“ d.o.o. Goražde ispunjavaja formalno pravne uslove za učešće, kao i uslove u pogledu ekonomsko finansijske podobnosti kao i tehničke i profesionalne sposobnosti ponuđača,
- da ponuda ponuđača „Goraždeputevi“ d.d. Goražde ne ispunjava uslove za učešće postavljene tenderom. Ovo iz razloga što je na osnovu uvida u dokaze koji su priloženi utvrđeno da navedeni ponuđač nije registovan za gradnju vodnih objekta, a radovi koji su predmet nabavke obuhvataju i radove na izgradnji fekalnog kolektora u ul. Omera Vrane. Takođe je utvrđeno da navedeni ponuđač ne ispunjava uslove postavljene tenderom u pogledu tehničke i profesionalne sposobnosti obzirom da je nakon uvida u referens listu ovog ponuđača utvrđeno ponuđač „Goraždeputevi“ d.d. Goražde nema iskustvo u realizaciji barem jednog ugovora čija je ukupna vrijednost ista ili veća od procjenjene vrijednosti nabavke a koji radovi obuhvataju i radove na izgradnji vodnih objekata, što je traženo tenderom.
- da je ponuda ponuđača „Okac“ d.o.o. Goražde prihvatljiva za ugovorni organ u pogledu cijene koja je ponuđena.

Komisija za provođenje postupka javne nabavke radova na rekonstrukciji ulice Omera Vrane u Goraždu predložila je donošenje Odluke o prihvatanju ponude ponuđača „Okac“ d.o.o. Goražde budući da je njegova ponuda na osnovu rezultata pregleda i ocjene ponuda, po kriteriju najniže cijene, ocjenjena jedinom valjanom i najpovoljnijom.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđačima,
2. u spis,
3. a/a.-

NAČELNIK OPĆINE

dr.sci. Muhamed Ramović



Broj:02-05-2-598/15  
Goražde, 20.03.2015.godine

**“Goraždeputvevi” d.d.Goražde**  
**Ul. Seada Sofovića Sofe br.27**

**Predmet :** Obavijest o Odluci , dostavlja se

Na osnovu člana 71. Zakona o javnim nabavkama (“Službeni glasnik BIH” broj 39/14 ) Načelnik Općine Goražde ovim putem Vas obavještava da je donio Odluku o izboru najpovoljnije ponude za ustupanje radova na rekonstrukciji ulice Omera Vrane u Goraždu kojom Odlukom je prihvaćena ponuda ponuđača „Okac“ d.o.o. Goražde sa ukupnom cijenom ponude 99.925,46 KM.

Vaša ponuda nije prihvaćena zbog neispunjavanja uslova za učešće koji su postavljeni tenderom, obzirom da je utvrđeno da ne posjedujete registraciju za građenje vodnih objekata a predmet nabavke je i izgradnja fekalnog kolkatora u navedenoj ulici, a takođe nemate ni traženo iskustvo u realizaciji barem jednog ugovora za iste ili slične poslove koji obuhvataju i gradnju vodnih objekata.

**POUKA O PRAVNOM LIJEKU:** Protiv odluke o izboru najpovoljnijeg ponuđača može se izjaviti žalba u roku od 10 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

**Prilog:-** Odluka o izboru najpovoljnijeg ponuđača,  
- zapisnik o prgledu i ocjeni ponuda

**Dostaviti:**

1.Naslovu,  
2.u spis ,  
3.a/a

**NAČELNIK OPĆINE**

dr.sci. Muhamed Ramović

